



Na osnovu člana 6. stav 1. i 3. Zakona o slatkovodnom ribarstvu (« Službene novine Federacije BiH », broj 64/04) i Odluke o utvrđivanju visine početnih cijena godišnje naknade za korištenje ribolovnih područja / zona na području Srednjobosanskog kantona (« Službene novine Srednjobosanskog kantona », broj 7/06), Ministarstvo poljoprivrede šumarstva i vodoprivrede Srednjobosanskog kantona raspisuje:

JAVNI POZIV

za ustupanju na korištenje ribolovnog prava na području
Srednjobosanskog kantona

Ribolovna područja utvrđena Pravilnikom o ribolovnim područjima i granicama ribolovnih voda na području Srednjobosanskog kantona (« Službene novine Srednjobosanskog kantona », broj 7/06), ustupaju se na korištenje na period od 10 godina uz plaćanje godišnje naknade sa utvrđenim početnim cijenama kako slijedi:

I Ribolovno područje

1. Ribolovna zona..... 250 KM
2. Ribolovna zona 130 KM
3. Ribolovna zona130 KM

II Ribolovno područje

1. Ribolovna zona 300 KM
2. Ribolovna zona150 KM
3. Ribolovna zona250 KM
4. Ribolovna zona130 KM
5. Ribolovna zona120 KM

III Ribolovno područje

1. Ribolovna zona130 KM
2. Ribolovna zona130 KM
3. Ribolovna zona130 KM
4. Ribolovna zona130 KM
5. Ribolovna zona100 KM
6. Ribolovna zona 50 KM

Pravo učešća na konkursu imaju fizička i pravna lica, odnosno udruženja ili organizacije sportskih ribolovaca. Kandidati trebaju obavezno dostaviti sljedeću dokumentaciju:

1. Obrazac prijave, koji obavezno treba da bude popunjen sljedećim podacima :
 - naziv kandidata, sjedište (adresa), ime kontakt osobe i broj telefona, naznaka ribolovne zone za koje se konkuriše, fiksno ponuđena cijena za područje za koje se konkuriše, čitko napisano ime i prezime ovlaštenog lica, svojeručni potpis ovlaštenog lica.
2. Rješenje o upisu subjekta u sudski registar koje obavezno sadrži djelatnost ribarstva-pravna lica
3. Rješenje o obavljanju samostalne djelatnosti poljoprivrede iz oblasti ribarstva izdatu od nadležnog organa - fizička lica
4. Uvjerenje o poreznoj registraciji
5. Program gospodarenja u skladu sa ribarskom osnovom koja obavezno sadrži :
 - mjere zaštite i unapređenja ribljeg fonda (poribljavanje)
 - procjenu količine ribe i njihov prirast, obim ulova pojedinih vrsta riba
 - mjere zaštite okoliša ribolovnog područja /ribolovne zone i druge ekološke aktivnosti
 - način korištenja ribolovnog područja /ribolovne zone (rekreativni ribolov, takmičarsko sportsko ribolovne aktivnosti, sportsko-ribolovne manifestacije i dr.)
 - plan čuvanja i zaštite ribolovnog područja /ribolovne zone i dr;
 - određenje načina ribolova (ribolovne tehnike) shodno karakteristikama ihtiopopulacije i dr;
 - finansijski plan i način raspodjele sredstava
6. Reference o dosadašnjem radu iz oblasti ribarstva; dokaz - dosadašnja ulaganja (poribljavanja)

Navedena dokumentacija se obavezno dostavlja u originalu ili ovjerene fotokopije.

Konkursna komisija će izvršiti bodovanje prijavljenih kandidata prema dostavljenom programu gospodarenja i visini ponuđenog iznosa finansijskih sredstava za svako ribolovno područje i o rezultatima javnog poziva će obavijestiti sve učesnike.

Dosadašnji korisnik ima pod jednakim uslovima pravo prvenstva kod ustupanja ribolovnog prava na korištenje.

Obrazac prijave i Pravilnika o ribolovnim područjima i granicama ribolovnih voda na području Srednjobosanskog kantona može se preuzeti na web stranici Vlade SBK/KSB ili u prostorijama Ministarstva poljoprivrede, vodoprivrede i šumarstva SBK/KSB na adresi Prnjavor 16 A 72270 Travnik.

Konkurs ostaje otvoren 15 dana od dana objavljivanja u dnevnim novinama.

Prijave sa navedenom dokumentacijom slati na adresu:

Srednjobosanski kanton/Kanton Središnja Bosna, Ministarstvo poljoprivrede, vodoprivrede i šumarstva, Ul. Prnjavor 16/A 72270 Travnik sa naznakom: Prijava za konkurs za ustupanje ribolovnog područja__zone__ na području Srednjobosanskog kantona/Kantona Središnja Bosna sa obaveznom naznakom NE OTVARAJ.

Kontakt osoba : Karadžić Zoran (tel: 030 / 511-218)

Nepotpune i neblagovremene prijave neće se uzeti u razmatranje.